

## **Piginnittuiit pillugit paasissutissat naapertuutsinnagit nalunaaruteqarnissaq pillugu Kalaallit Nunaannut nalunaarut**

Aningaasarsianik malunnarunnaarsaaneq aamma qunusiarinninnikkut anguniagaqartunut aningaasaliineq pillugu inatsimmi (aningaasarsianik malunnarunnaarsaaneq pillugu inatsit), kunngip peqqussutaatigut nr. 956-ikkut 17. maj 2021-imeersukkut Kalallit Nunaannut atuutilersinneqartukkut, kunngillu peqqussutaatigut nr. 2627-ikkut 28. december 2021-imeersukkut allangortinneqartukkut § 15, imm. 3 malillugu, aalajangersarneqarpoq:

### *Atuuffia*

**§ 1.** Suliffeqarfinnut inunnullu kiisalu oqartussaasunut piginnaatinneqartunut, aningaasarsianik malunnarunnaarsaaneq pillugu inatsimmi, kunngip peqqussutaatigut Kalaallit Nunaannut atuutilersinneqartumi, § 15 a malillugu piginnittuiit pillugit paasissutissat nalunaarsorneqarsimasut naapertuutsinnagit nalunaaruteqartussaasunut, nalunaarut manna atuuppoq.

### *Nalunaaruteqarneq*

**§ 2.** Paasissutissat naapertuutinngitsut, § 1 malillugu nalunaaruteqartussaataitaasut Erhvervsstyrelsenip nalunaarsuiffiani piginnittuiuneq pillugu paasissutissat akornanni aamma piginnittuiuneq pillugu taakku paasissutissat taakkunannga tikinneqarsinnaasut akornanni nassaarisaat, Erhvervsstyrelsinimut nalunaarutigineqassapput.

*Imm. 2.* Nalunaaruteqarneq minnerpaamik paasissutissanik tulliuttunik imaqaassaaq:

- 1) Nalunaarutiginnittup atia aamma CPR-normua imaluunniit CVR-normua.
- 2) Suliffeqarfimmut, fondimut, peqatigiiffimmut, unammilleqatigiinneq killilerniarlugu peqatigiinnut imaluunniit inatsisitigut assigisaannik aaqqissuussinernut, nalunaarutiginninnermut tunngasumut ati aamma CVR-normu.
- 3) Naapertuutinngitsoqarneranik aallaaserinninneq.

*Imm. 3.* Naapertuutinningitsoqarnera pillugu uppersaaitit nalunaaruteqarnermi ilanngunneqassapput.

*Imm. 4.* Imm. 1 malillugu nalunaaruteqarnek, allanut oqaatigineqartussaangilaq aamma pisortat ingerlatsinerat pillugu paasitinneqarsinnaatitaaneq pillugu inatsimmi aamma pisortat ingerlatsinerat pillugu inatsimmi paasitinneqarsinnaatitaanermit ilaatinneqangilaq. Suliffeqarfimmut, fondimut, peqatigiiffimmut, unammilleqatigiinneq killilerniarlugu peqatigiinnut imaluunniit inatsisitigut assigisaannik aaqquissuussinernut nalunaarutiginninnermut tunngasumut nalunaaruteqartoq pillugu paasissutissat ingerlateqqinneqassangillat.

#### *Erhvervsstyrelsenip nalunaaruteqarnissamut aaqqiineranik atuineq*

**§ 3.** § 1 malillugu Erhvervsstyrelsenip it-systemiani nalunaarsorneqarsimasut piginnittuut pillugit paasissutissat naapertuutinningitsut, Erhvervsstyrelsenip nalunaaruteqarnissamut aaqquissutaa [www.virk.dk](http://www.virk.dk) aqutigalugu nalunaarutigineqassapput.

*Imm. 2.* Digitaliusumik atsiorneq imaluunniit NemID, piginnittuut pillugit paasissutissani nalunaarsorneqarsimasuni naapertuutinningitsut pillugit nalunaaruteqarnissamut Erhvervsstyrelsenimit akuerineqartut, nalunaarutiginnittup atussavai.

*Imm. 3.* Nalunaaruteqarnissamut aaqqiinermi [www.virk.dk](http://www.virk.dk)-miittumi takuneqarsinnaasumi piumasaqaatinut naapertuuttumik nalunaaruteqarnek ingerlanneqassaaq.

*Imm. 4.* Nalunaaruteqarnissamut aaqqiinerup atornerlunneqarsimappat imaluunniit atornerlunneqarnissaa pissutissaqartumik Erhvervsstyrelsenimit ilimagineqarpat, aqutsisoqarfiup atuisut taassuminnga atuisinnaanerit ingerlaannaq matusinnaavaa.

**§ 4.** Nalunaaruteqarnissamut aaqqiineq atorlugu qaqutigorluinnaq nalunaaruteqartoqarsinnaangippat, taava naapertuutinningitsoqarnera digitaliusumik e-post aqutigalugu Erhvervsstyrelsenimut nalunaarutigineqassaaq, § 2, imm. 2 malillugu paasissutissat taaneqassapput aamma naapertuuttoqanginneranut uppersaaitit ilanngunneqassallutik.

#### *Oqaatsinut piumasaqaatit*

**§ 5.** Naapertuuttoqanginnera pillugu allaaserinnineq aamma taamaattoqarneranut uppersaaitit ilanngunneqartoq, qallunaatut, kalaallisut, svenskisut, norskisut imaluunniit tuluttut allassimassapput.

#### *Atuutilerfia*

**§ 6.** Nalunaarut atuutilerpoq ulloq 17. juni 2023

*Erhvervsstyrelsen, ulloq 9. juni 2023*

Jørgen Wissing Jensen

/ Søren Corfixsen Whitt